



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav 1. Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2010. GODINU STRANKE PENZIONERA – UMIROVLJENIKA BIH

Broj: 03-07-6-424/11  
Sarajevo, 27. februar, 2012. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	6
5.1. NALAZI.....	6
5.2. PREPORUKE.....	7

## MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) izvršila je pregled finansijskih izvještaja Stranke penzionera- umirovljenika BiH i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere Općih izbora održanih u oktobru 2010. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Stranka penzionera – umirovljenika BiH prekršila je odredbe člana 8. stav (1) Zakona o finansiranju političkih stranaka.**

**Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka niti na finansiranje troškova izborne kampanje suprotno odredbama člana 15.10 Izbornog zakona BiH.**

## 1. UVOD

Služba za reviziju finansiranja političkih stranaka izvršila je pregled finansijskih izvještaja Stranke penzionera- umirovljenika BiH i to: godišnjeg finansijskog izvještaja za 2010. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora održanih u oktobru 2010. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Stranka penzionera- umirovljenika BiH ostvarila je prihode u ukupnom iznosu 182.743,00 KM, što se vidi iz sljedeće tabele:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	78.206,00	42,80 %
2	Prilozi fizičkih lica	1.778,00	1,00 %
3	Prilozi pravnih lica	5.220,00	2,80 %
4	Prihodi od imovine	136,40	0,07 %
5	Prihodi od pr.lica	0,00	0,00 %
6	Prihodi od poklona	1.350,00	0,73 %
7	Prihodi iz budžeta	96.053,00	52,60 %
	<b>Ukupni prihodi:</b>	<b>182.743,00</b>	<b>100,00 %</b>

Prema podacima iz godišnjeg finansijskog izvještaja Stranka penzionera-umirovljenika BiH ostvarila je rashode u ukupnom iznosu od 225.061,38 KM.

## 2. PREDSTAVLJANJE POLITIČKE STRANKE

Naziv političke stranke: Stranka penzionera – umirovljenika BiH. Skraćeni naziv stranke je SP-U BiH.

Politička stranka je registrovana 23.04.2002. godine u Kantonalnom sudu u Sarajevu, pod brojem: R-I-4/02.

Sjedište političke stranke je u Sarajevu, Azize Šaćirbegović br. 2.

Lica ovlaštena za zastupanje stranke su: Mehmed Nurkanović, predsjednik stranke, Salko Isak, zamjenik predsjednika, Avdija Uzunović, potpredsjednik i Zilha Nametak, potpredsjednik stranke.

Lice ovlašteno za podnošenje finansijskih izvještaja za 2010. godinu je Azijada Lagumdžija.

Prema podacima koje je Stranka penzionera – umirovljenika BiH navela u godišnjem finansijskom izvještaju za 2010. godinu, organizacionu strukturu stranke čine:

- SP-U BiH glavni odbor,
- SP-U BiH Brčko Distrikt,

- 10 kantonalnih odbora
- SP-U BiH Grad Mostar,
- 68 općinskih odbora.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole** je godišnji finansijski izvještaj Stranke penzionera-umirovljenika BiH za 2010. godinu i finansijski izvještaj za period od dana podnošenja prijave za ovjeru za izbore do dana ovjere rezultata općih izbora održanih u oktobru 2010. godine.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Stranka penzionera – umirovljenika BiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Stranke penzionera- umirovljenika BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka i odredbama člana 15.10 Izbornog zakona BiH, odnosno usklađenosti izvora finansiranja i načina trošenja sredstava, sa posebnim naglaskom na priloge fizičkih i pravnih lica, prihode iz budžeta kao i troškova predizborne kampanje

### **4. PRETHODNE KONTROLE I REVIZIJE**

U prethodnom periodu izvršen je pregled godišnjeg finansijskog izvještaja Stranke penzionera – umirovljenika BiH za 2005., 2006., 2008. i 2009. godinu i izdat izvještaj o pregledu sa mišljenjem revizora, nalazima i preporukama revizije.

Za 2007. godinu izvršena je revizija godišnjeg finansijskog izvještaja i izdat je izvještaj o reviziji sa mišljenjem revizora, nalazima i preporukama da stranka treba da postupi u skladu sa odredbama člana 8. stav (1) i člana 11. stav (1) i stav (3) Zakona o finansiranju političkih stranaka.

Služba za reviziju je izvršila pregled godišnjeg finansijskog izvještaja Stranke penzionera-umirovljenika Bosne i Hercegovine za 2009. godinu i izdala izvještaj o pregledu sa mišljenjem revizora, nalazima i preporukama da stranka treba postupiti u skladu sa odredbama člana 8. stav (1) Zakona o finansiranju političkih stranaka.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2010. godinu, utvrđeno je da politička stranka nije ispoštovala preporuke koje su date u navedenim izvještajima. Stranka je i u 2010. godini koristila prostorije općinskih organa uprave bez plaćanja zakupnine, što je u suprotnosti sa odredbama člana 8. stav (1) Zakona o finansiranju političkih stranaka.

## 5. NALAZI I PREPORUKE

### 5.1. NALAZI

**Na osnovu obavljenog pregleda i kontrole godišnjeg finansijskog izvještaja utvrđeno je da je Stranka penzionera – umirovljenika BiH prekršila odredbe člana 8. stav (1) Zakona o finansiranju političkih stranaka<sup>1</sup>.**

- Općinska organizacija SP-U BiH Centar Sarajevo je na osnovu ugovora o zakupu poslovnih prostorija broj: 04-49-4-45/09, zaključenog dana 25.06.2009. godine sa Općinom Centar Sarajevo, koristila poslovni prostor površine 18,81 m<sup>2</sup>, po cijeni koja je ugovorena u iznosu od 1,00 KM po m<sup>2</sup>. Prema odluci o dodjeli u zakup poslovnih zgrada i prostorija Općine Centar Sarajevo broj: 01-49-1690/09 od 23.06.2009. godine („Službene novine Kantona Sarajevo“, broj 20/09), najniži iznos zakupnine u I zoni Općine Centar iznosi 20,00 KM po m<sup>2</sup>. Korištenjem poslovnog prostora u 2010. godini po cijeni koja je ispod cijene utvrđene navedenom odlukom, SP-U BiH je ostvarila prilog od Općine Centar u iznosu od 4.062,96 KM.
- Općinski odbor SP-U BiH Novo Sarajevo je na osnovu Odluke o dodjeli u zakup poslovnih prostora na kojima pravo raspolaganja ima Općina Novo Sarajevo („Službene novine Kantona Sarajevo“, broj 29/07), koristio bez naknade poslovni prostor ukupne površine 6,80 m<sup>2</sup>. Predsjedavajući Općinskog vijeća Općine Novo Sarajevo je u aktu broj: 03-02-216/11 od 07.04.2011. godine koji je dostavljen na zahtjev Centralne izborne komisije BiH, naveo da bi u skladu sa odredbama člana 6. prethodno navedene Odluke, za političke stranke cijena zakupnine iznosila 5,00 KM po m<sup>2</sup>, u slučaju da iste nisu oslobođene obaveze plaćanja zakupnine. Oslobođanjem od plaćanja zakupnine, SP-U BiH je ostvarila prilog od Općine Novo Sarajevo u iznosu od 408,00 KM. Pored navedenog, stranka je osim troškova telefona, oslobođena plaćanja režijskih troškova.
- OO SP-U BiH Jablanica na osnovu Odluke o davanju poslovne prostorije na privremeno korištenje broj:01-25-4-1305/08 od 04.06.2008.godine, izdate od strane Općine Jablanica koristi poslovnu prostoriju bez naknade, uz obavezu plaćanja režijskih troškova.
- Kantonalni odbor Stranke penzionera - umirovljenika Bosne i Hercegovine je na osnovu ugovora o zakupu poslovnog prostora broj: 01-125/08 zaključenim dana 30.10.2009. godine sa Federalnim zavodom za penzijsko/mirovinsko i invalidsko osiguranje Mostar, koristio bez naknade prostor površine 45 m<sup>2</sup> u poslovnoj zgradi Federalnog zavoda za PIO/MIO u Sarajevu.

### Troškovi izborne kampanje

Stranka penzionera- umirovljenika BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 40.090,15 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM<sup>2</sup> po biraču u svakom izbornom krugu, prema broju

<sup>1</sup> Državni, entitetski i kantonalni organi, organi općinskih i mjesnih zajednica, javne institucije, javna preduzeća, humanitarne organizacije, preduzeća koja su po samoj svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu finansirati političke stranke.

<sup>2</sup> Član 15.10 stav 2. Izbornog zakona BiH propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

birača koje je objavila Centralna izborna komisija BiH. Prema podacima Centralne izborne komisije BiH, Stranka penzionera-umirovljenika BiH je mogla potrošiti 1.350.652,90 KM.

## 5.2. PREPORUKE

*Preporučuje se Stranci penzionera – umirovljenika BiH da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:*

- ❖ *da postupa u skladu sa odredbama člana 8. stav (1) Zakona o finansiranju političkih stranaka, odnosno da se ne finansira iz izvora zabranjenih ovim zakonom,*

## KOMENTAR:

U roku ostavljenom za očitovanje na nalaze iz Preliminarnog izvještaja o pregledu Stranka penzionera-umirovljenika BiH je u skladu sa odredbama člana 13. stav (3) Zakona o finansiranju političkih stranaka, dobrovoljno otklonila nedostatke i o tome dostavila relevantne dokaze (obrazac 4. (ukupni rashodi stranke) i obrazac 4-1 (režijsko-administrativni troškovi), odnosno na pomenutim obrascima iskazala je troškove zakupnine Općinskog odbora SP-U BiH u Bihaću. Primjedbe u pogledu zabranjenih priloga odnosno korištenja poslovnih prostora kako nisu bile ničim argumentovane, nisu mogle biti uvažene.

Služba za reviziju je otklonjene nedostatke Stranke penzionera-umirovljenika BiH uvažila, i korigovala nalaze date u preliminarnom izvještaju o pregledu godišnjeg finansijskog izvještaja za 2010. godinu.

Mr.Hasida Gušić, šef Službe za reviziju

Nevenko Andan, revizor